

Weihnachtsmann

Musik & Text Björn Heuser / Verlag: HEUSERMUSIK, GMO Publishing

C
Dä Duff vun Plätzcher em Treppehuus,
Dm G
verjess ich sicher nit,
Dm G
su wie die Buchping, weil de Omma mir
C G
zevill zom Probiere jitt.

C
Wat hätt de Mamm jeschand,
Dm G
als se en mingem Zimmer soh,
Dm
dat der Adventskalender
G
schon am dritte Daach komplett jeplündert wor.

Dm G
De Johre trecke en et Land,
C A
un ich denk noch immer jään dodran,
Dm G
wie ich noch ahn der Weihnachtsmann
C
jejläuv han.

Janz heimlich maat ich mich naaks op,
jing en et Wohnzimmer eren,
weil der Wunschzeddel
doch immer noch do looch.

Ich luurte us däm Finster
kunt die rusa Wolke sinn,
dä Zauber spür ich hück noch,
luur ich en d'r Ovendhimmel eren.

Wievill Weihnachtsfeste weed em Lееve ich wohl noch han?
Wievill Kääze brenne ens för mich?
Wie off klingk noch e Jlöckche, wenn die hellije Naach fängk ahn?
Wie off setz ich noch he met üch am Desch?